

**Акафист
Преподобному Сергию,
Игумену Радонежскому**

Кондак 1

Возбранный от Царя сил Господа Иисуса,
данний России Воеводо и чудотворче
предивный, преподобне отче Сергие!
Прославляюще мы прославльшаго тя славы
Господа, благодарственное пение воспевааем ти,
ибо молитвами твоими от нашествия
иноплеменник и скорбных обстояний нас
присно избавляеши, яко имея дерзновение ко
Господу, от всяких нас бед свободи, да зовем
ти:
Радуйся, Сергие, скорый помощниче и
преславный чудотворче.

Икос 1

Ангелов Творец, предуведевый по
самовластному чистаго сердца твоего
изволению, всеусердствующее Его воли
исполнение, еще во чреве матери трикратным
возглашением показа тя миру истиннаго
служителя быти Святыя Троицы и научи всех
вопити тебе сице:

Радуйся, прежде век, яко имаши верный раб
Христов быти, предусмотренный;
радуйся, во оноже время во блаженное и
Небесное жилище предоставленный.

Радуйся, от чрева матери на службу Небеснаго
Царя, яко воин, хотящий верен Ему быти,
призванный;

радуйся, яко благодатию Божию оправданный.
Радуйся, не точиу России, но и всей вселенней
прославленный;

радуйся, трикратным твоим во чреве
возглашением родителей и всех слышащих
удививый.

Радуйся, по рождении своем постное иноческое
житие показавый;

радуйся, от сосца матери воздержание чудное
явивый.

Радуйся, яко в среду и пяток млеча никакоже
вкусивый;

радуйся, родителей благих добрый и избранный
плод.

Радуйся, радости скорбящим и милости с
верою у тебе просящим подателю;

радуйся, печалей злых во всяких приключениях
отгонителю.

Радуйся, Сергие, скорый помощниче и
преславный чудотворче.

Кондак 2

Видяши вся Россия и иныя страны данною тебе, преподобне отче Сергие, благодатию Божию с верою к святым твоим мощем приходящим и скорое вспоможение, и присное преславное чудес творение, удивляются. И мы все, веселящеся, яко имеем таковаго Милостиваго помощника, Прославльшаго тя прославляюще и тя, благаго раба и вернаго слугу Господня, восхваляюще, вопием Ему: Аллилуия.

Икос 2

Разум, еще сущу ти во чреве матери, Святую Троицу прославити Иисус Христос даровавый, и веру крепкую, надежду несомненную, любовь истинную к Нему имети утвердивый, сподоби тя во имя Святыя Троицы преславный храм и обитель чудную устроити, и во ону множество инок собрати. Сего ради верний научишася воспевати тебе тако:

Радуйся, честное Пресвятыя Троицы носило и похваление;
радуйся, добре стадо, тобою собранное, во спасение наставляй.

Радуйся, честный образ агнцем и пастырем;

радуйся, правило веры и образе кротости
духовныя.

Радуйся, святыням чистое и непорочное
жилище;

радуйся, еще при жизни сподобившийся видети
Пресвятую Богородицу со двема апостолома.

Радуйся, удостоившийся во время совершения
литургии сослужения ангельского;

радуйся, во святую литургию в благодати
Божией весь аки во огни стоящий.

Радуйся, оным Божественным огнем, в потир
вшедым, причастившийся;

радуйся, достоин бывый ангельского
собеседования.

Радуйся, преисполненный всякия благостины;
радуйся, чистоты душевныя и телесныя
усердный хранителю.

Радуйся, Сергие, скорый помощниче и
преславный чудотворче.

Кондак 3

Силою, данною ти свыше, будущая яко
настоящая созерцая, возвещал еси и великому
князю Димитрию о победе многочисленных
прегордых агарян, хотящих Россию огнем и
мечем опустошити, прореки еси, и от своего
иначеского лика двух монахов на противных в
помощь дал еси, и молитвою твою святою к

Богу вопия, на агаяны победу сотворил еси. За
еже тя прославляюще, и о таковой же твоей на
сопротивных православному воинству помощи
просяще, Богу вопием: Аллилуиа.

Икос 3

Имуще помышление родителie твои и людие о
трикратном твоем во чреве матернем в церкви
глашении и удивльшеся, разумеша нечто
преславное и чудное быти: и по сих уведевше
твое радостное рождение, радовахуся и
радостная тебе приношаху, глаголюще:

Радуйся, отроча добродушевное и

благонадежное;

радуйся, детище, всякия благодати Божия
исполненное.

Радуйся, пречудное в младенчестве

постничество нам являй;

радуйся, оным многих приводяй во удивление
и увеселяй.

Радуйся, яко с тобою всегда бе благодать

Господня;

радуйся, от юности твоей всем сердцем и
мыслию Бога возлюбивый.

Радуйся, кротость, смижение и бдение имевши;

радуйся, вся мира сего красная, яко скоро
исчезающая, презревший.

Радуйся, вся плотския похоти Бога ради
умертвивый;
радуйся, многообразныя козни лукаваго силою
Божиею победивый.

Радуйся, многия люди от греховнаго пути ко
Господу обративый и спасый;
радуйся, яко тобою сладостей духовных
исполнляемся.

Радуйся, Сергие, скорый помощниче и
преславный чудотворче.

Кондак 4

Бури жития мира сего, присно внутренними и
внешними злострадании волнующагося,
преподобне отче Сергие, избавився, пришел
еси во пристанище немятежное небесное, на
места злачна и прохладна, идеже потоцы
сладости неисповедимыя, пища славы Божия
нетленная, пения и гласы празднующих. Тамо
почиваеши и веселишися, со всеми
ангельскими силами пая Богу: Аллилуиа.

Икос 4

Слышаша, преподобне отче Сергие, близний и
дальний ангелоподобное твоё житие, и
благодати чудес струю выну текущую, яко
молитвою твою прокаженни очищаются,

слепии прозирают, хромии ходят и
разнообразных недуг с верою притекающих
здравие улучают, сих избавльшеся вопияху к
тебе таковая:

Радуйся, мироварнице, на вся недуги
врачевание подавающая;
радуйся, безмездно паче естества врачу
скоромилостивый.

Радуйся, милости превеликия и скорбным
сострадания сокровище;
радуйся, всеусерднаго о людех промышления
приятелише.

Радуйся, душу свою за человека положити
готовый;
радуйся, увеселение и отрада к тебе
прибегающим.

Радуйся, мертвца преславно молитвою твою
ожививый;
радуйся, оскудение монастырское в пищи
исполнивый.

Радуйся, в сусе месте поток водный тещи у
Бога испросивый;
радуйся, яко таяжде вода, молитвою твою
исцеляющи недуги, чудодействует.

Радуйся, чудес пучино, Богом излиянная;
радуйся, желаемых благ пришедшим к тебе
подателю.

Радуйся, Сергие, скорый помощниче и
преславный чудотворче.

Кондак 5

Боготечная пресветлая звезда явился еси,
преподобне отче Серgie, небо церковное
украшай и всех блудящих по морю страстнаго
жития сего данною тебе от Солнца Правды
Христа Иисуса, истиннаго Бога, благодатию
озаряй, мрак печалей и мглу всяких недуг и
скорбей прогоняй, наставляеши всех к тебе с
верою притекающих на путь спасенный, к
вечному Небесному Отечеству ведущий,
поющих Богу: Аллилуиа.

Икос 5

Видев преподобный Сергий, яко в мире сем
всяческая суeta и тлению причастна, потщася
вседушно Превечному Богу благоугодити, и
воистинну не вотще потрудися: премени бо
тленная на нетленная, наипаче же предстояния
сподобися у страшнаго Престола Владычня в
славе вечней. Темже вопием ему:

Радуйся, яко идеже Христос в телеси, таможде
и ты пребываеши;
радуйся, тамо, яко в зерцале, в Бозе вся Ему
любезная созерцаеши.

Радуйся, яко созерцая в Нем молящихся ти о
помощи, молитвою твою им полезная
ходатайствуеши;

радуйся, скорый помощниче призывающим тя
во бранех православным.

Радуйся, молитвою твою Российской стране
победы на противныя подаваяй;
радуйся, скорбящим скоропредстательный
утешителю.

Радуйся, немощей телесных и душевных
немздоприемный исцелителю;
радуйся, многая чудеса благодатию Духа
Святаго содеваяй.

Радуйся, хромым хождение и слепым
прозрение подаваяй;
радуйся, грозд винный, питающий нас и
веселящий.

Радуйся, розго Христа лозы истинныя, мног
плод в пособие православным творящая;
радуйся, благий рабе и верный, и добрый
делателю винограда Христова.

Радуйся, Сергие, скорый помощниче и
преславный чудотворче.

Кондак 6

Проповедует держава Российская, богомудре
Сергие, труды твоя и болезни, бдение же и
сухоядение, ради душевнаго твоего спасения
подъятыя, егоже ради прослави тя Господь
славою Свою Божественною. Темже, яко рай
насажденный, в Церкви явился еси, имущи

древо жизни Самаго Господа, от Него же
вкусивши вся скоро гибнущая в мире сем
презирают и радостно в прекрасный виноград
вышний входят, идже ты, предстоя Ему,
вопиеша: Аллилуя.

Икос 6

Возсия Церкви и стране нашей Российской
просвещение совершенных твоих
добродетелей, преподобне отче Сергие, о
нихже благодаряще Отца Небеснаго, давшаго
тебе толикую благодать величия Своего к тебе,
яко к теплому о нас молитвеннику, радостная
воспеваєм тако:

Радуйся, ангельское житие нам являй;
радуйся, страсти греховныя уставляй.
Радуйся, образе истиннаго смирения;
радуйся, зерцало совершенного терпения.
Радуйся, наставниче великий спасению;
радуйся, приводяй грешных ко исправлению.
Радуйся, известный исполнителю заповедей
Христовых;
радуйся, душ немощных исцеление.
Радуйся, милостыню творити научаяй;
радуйся, ризы и брашна немощным подавати
повелеваяй.
Радуйся, пустынниче, мирскую честь и
богатство возненавидевый;

радуйся, постниче, от юности Богу
послуживый.

Радуйся, Сергие, скорый помощниче и
преславный чудотворче.

Кондак 7

Хотя избран дом Духу Святому себе сотворити,
потщался еси тесным и прискорбным путем,
ведущим в жизнь вечную, взем на рамо свое
Крест Христов, шествовать, еже благодатию
Божию от юности твоей непорочно в
творениях заповедей Господних совершив,
достигл еси уготованного тебе в небесном
всевеселом пребывании воздаяния, и тамо
благодарственно поеши Богу: Аллилуя.

Икос 7

Новую благодать показа всех Творец и
Владыка тебе, богомудре Сергие: аще бо и
умерл еси на земли плотию, но душою в
вышнем селении всегда жив сый, многая и
преславная чудеса в мире живущим людем
действуеши, и теплым твоим ходатайством
пособствуеши, вопиющим к тебе таковая:
Радуйся, девственниче душою и телом;
радуйся, иноком наставниче предивный.
Радуйся, душ наших радование;

радуйся, быстрое нищим услышание.
Радуйся, скорбящим приятное попечение;
радуйся, чистоты усердный хранителю.
Радуйся, ненадежным надеяние;
радуйся, всея России увеселение.
Радуйся, древо чудоточное рая Иисусова;
радуйся, крине райского прозябения.
Радуйся, миро Христова благоухания;
радуйся, яко тобою приносится радование.
Радуйся, Сергие, скорый помощниче и
преславный чудотворче.

Кондак 8

Страшное и преславное чудо является
притекающим к тебе, богомудре Сергие: ибо
данною тебе Божиею благодатию с верою
просяющих немедленно от всяких
многообразных телесных и душевных скорбей
исцеляеши, от бед избавляеши, от напастей
охраняеши, и всем всяко благополезное
прощение исполняеши, и вопиеши Богу:
Аллилуия.

Икос 8

Весь еси, преподобне отче Сергие, в выших,
но и низних не оставляеши: присно со
Христом Царем Вечным царствуеши и нас,

грешных и недостойных, пред Ним
воспоминаеши, моляся о спасении нашем.
Темже от усердия нашего вопием к тебе сице:
Радуйся, оставилши имение и возлюбивый
нищету Христову;
радуйся, достигий к неистощимому богатству.
Радуйся, Духу Святому подклонивый со
всяким смирением;
радуйся, воине Христов непобедимый
явльшийся.
Радуйся, крилома богомыслия сети вражия
сокрушивый;
радуйся, смирением возвышаемый, в вечные
кровы возлетевый.
Радуйся, просвещенный внутрь благодатию;
радуйся, истребивый страстей мглу
душевредную.
Радуйся, в подвигах дневных и нощных
течение совершивый;
радуйся, в невечернем дни Царствия Божия
присно почиваяй.
Радуйся, тамо снедения пищи разумныя
сподобльшийся;
радуйся, яко того блаженства от Бога вечно
удостоивыйся.
Радуйся, Сергие, скорый помощниче и
преславный чудотворче.

Кондак 9

Всякое естество ангельское удивися великому свыше тебе дарованию, яко на земли невещественное житие показал еси, и во плоти, аки безплотен, явился еси. Сего ради многих чудес творения от Господа прием, чистою и боголюбезною душею твою Того благостию к Небесным причтен еси силам, в Небесех ныне поеши всесильному Богу: Аллилуя.

Икос 9

Ветия многовещанныя недоумеют достойно славити тя, достойный всякия славы, славне преподобне отче Серргие, ибо пачеестественная многая преславная чудодействия, еще жив сущь, показал еси, но и по смерти тая благодатию Божию творити не престаеши. Мы же, любовию понуждаеми, дерзаем пети тебе сице:

Радуйся, земный Ангеле и небесный человече;
радуйся, во плоти живый духовно, на земли
небесно.

Радуйся, в человечестве пребывающий ангельски, в
мире премирно;
радуйся, душевными твоими очима выну
Господа созерцавший.

Радуйся, пред лицем Божиим, яко раб пред
Господем, ходивый;
радуйся, пред Оным, яко сын пред Отцем, яко
ученик пред Учителем, шествовавый.
Радуйся, яко воин пред Воеводою готов сый вся
повеленная Им творити;
радуйся, добрый стада своего иночествующих
наставниче и правителю.
Радуйся, шествовавый от силы в силу, дондеже
явися тебе Бог богов в Сионе;
радуйся, Единаго Господа возлюбивый и к
Нему очеса своя выну имевый.
Радуйся, во вся дни живота своего Его искавый
и в Нем намерение полагавый;
радуйся,ничесого на Небеси и на земли, разве
Христа Иисуса, видети желавый.
Радуйся, Сергие, скорый помощниче и
преславный чудотворче.

Кондак 10

Спасти хотя душу твою, в юности возраста
своего отрекся еси воли своея и во знамение
отсечения ея постригл еси власы главы своея и
был еси монах, покоривый себе воли Божией и
начальником, от Него поставленным, ихже
веления тако слушал еси, яко Самаго Господа,
никогда же прекословя, но слову веления
исполнением дела отвещавая. Всяческая же

приключения благодарно, яко верный раб, от Господа приимал еси, Ему же на Небесех предстоя, ныне вопиеши: Аллилуия.

Икос 10

Стена еси всем человеком, к заступлению твоему прибегающим, преподобне богомудре Сергие. Темже и нам к тебе приходящим и милостиваго твоего во всяких нуждах заступления у Царя Небеснаго просящим, буди стена крепкая и ограждение непреоборимое, от всяких нас бед и напастей застеняя и ограждая, за еже мы вопием тебе таковая:

Радуйся, воине Царя Небеснаго, не обязавыйся куплями житейскими, да Ему угоден будеши; радуйся, не восхотевый двема господином, Богу и миру, работати, но Единому Богу точию. Радуйся, от юности на тело свое, на мир сей и диавола вооруживыйся;

радуйся, постом, поклоны, стоянием на молитве, бдением умертвивый плоть свою.

Радуйся, умертвивый оную прежде, нежели она жива страстем бяше;

радуйся, мертву содеявый гортань противу приемания сластей.

Радуйся, мертв сотворивый язык противу глаголания скверных, клеветных и ложных;

радуйся, мертвы устроивый ушеса противу
слышания душевредных.

Радуйся, мертвы содеявый руце противу
грабления и всяких зол творения;
радуйся, мертво сотворивый чрево противу
объядения и пиянства.

Радуйся, мертва соделавый трудами чресла
своя противу нечистоты;
радуйся, мертвы сотворивый нозе противу
течения в путь грешников и на совет
нечестивых.

Радуйся, Сергие, скорый помощниче и
преславный чудотворче.

Кондак 11

Пение благодарственное благотворителю
Христу Иисусу, тя, преподобне отче,
прославляюще, вси православнии взывают, яко
даровал ти многих чудес силу творения: слепья
просвещати, прокаженныя очищати, больныя
врачевати, бесныя от демонского дручения
свобождати, толико сильне, якоже и не у
приведенных к тебе бывшим бесным, еще на
пути демони от них отбегаху и ктому не
возвращаҳуся, боящеся в тебе силы Божия, юже
выну в Небесех прославляя, вопиеши Богу:
Аллилуиа.

Икос 11

Светозарное светило в православной
Российстей державе и во всей вселенней
благодатию немерцающего Солнца, Христа
Иисуса, просвещающею возсиявшее, зrim тя,
богомудре отче: с невещественными бо в
вышних предстоя Престолу Троицы Пресвятыя,
радости превеликия исполнен еси и
Божественными лучами Трисолнечнаго Света
осияваемъ, облистаеши верныя, вопиющия к
тебе таковая:

Радуйся, возшедый на гору превысоку
добродетелей Божественных;
радуйся, яко от тоя удобь возшел еси на гору
небесную.

Радуйся, яко от обители земныя во обитель
небесную водворился еси;
радуйся, яко восходя тамо душею, нам мощи
твоя святыя оставил еси.

Радуйся, яко мощи твоя исцелевают всякия
скорби и болезни;

радуйся, яко мошой твоих демони трепещут.

Радуйся, яко твоя мощи комуждо в
приключьшихся печалех бывают увеселение;
радуйся, душею востекий в Сион Горний к
Царю Небесному.

Радуйся, яко тамо предстоя, о всех нас к Нему
тепле ходатайствуеши;

радуйся, яко благоутробие Его о всех чтуших
память твою умилостивляеши.

Радуйся, стране нашей на противных победу
молитвою твою содеваеши;
радуйся, яко всем верным всякое прошение во
их пользу исполняеши.

Радуйся, Сергие, скорый помощниче и
преславный чудотворче.

Кондак 12

Благодать, данную ти от Бога, сведуще, тебе,
приснаго нашего милостиваго отца, прилежно
просим: пролей ныне теплую твою молитву о
нас, грешных, ко Господу, яко да презрев вся
наша согрешения, дарует победы на враги, яко
царю Константину на Максентиа, яко Давиду
на Голиафа; державу Российскую да укрепит,
Церковь Свою Святую от распрай и расколов
незыблему да сохранит, обилие всяких плодов
земли да дарует и вся православныя христианы
да спасет и помилует, чесого от Него твоими
молитвами улучти ожидающе, вопием Ему:
Аллилуиа.

Икос 12

Поюще дивнаго во святых Своих Царя
Небеснаго, прославльшаго тя, вернаго Своего

раба, преподобнаго отца Сергиа, милостивое твое, скорое нам во всяких нуждах и печалех поможение прославляем, ибо в тебе в Троице прославляемый Бог наш преславным многим чудодействием дивно прославися, о чесом удивляющеся вопием к тебе сице:

Радуйся, великославный Российский наш
Заступниче, отче Сергие;
радуйся, совершенный в добродетелех
человече.

Радуйся, дивный подражателю совершенства
Отца нашего Небеснаго;
радуйся, преблагий и добрый наставниче
иноков.

Радуйся, образе пустынножителей и
устроителю общаго жития;
радуйся, всех православных скорый помощниче
и Заступниче.

Радуйся, Царя Небеснаго и Бога известный
умилостивителю;
радуйся, многажды заступлением твоим
прошения предваряй.

Радуйся, покрове, Богом зданный, имже
покрываются мнози;
радуйся, ленивых подвигнувый твоими
христоподражательными нравы.

Радуйся, доброзрачное света евангельского
всесветлое сияние;

радуйся, Трисолнечного Святыя Троицы света
выну просвещающее озарение.
Радуйся, Сергие, скорый помощниче и
преславный чудотворче.

Кондак 13

О чудотворче преславный и заступниче всем
нам во всяких бедах и скорбех скорый и
пречудный, богомудре отче Сергие! Нынешнее
наше приими приношение и богоприятным
твоим ходатайством умоли Господа сил силу
свыше православному нашему воинству на
сопротивныя подати и нам всем, Того
благодатию очистившимся, от геенны
избавитися и грядущая в Небесех благая
улучти, вопиющим Ему: Аллилуя.

*Этот кондак читается трижды,
затем 1-й икос и 1-й кондак.*

Молитва 1

О священная главо, преподобне и Богоносне
отче наш Сергие, молитвою твою, и верою, и
любовию, яже к Богу, и чистотою сердца, еще
на земли во обитель Пресвятыя Троицы душу
твою устроивый, и ангельского общения и
Пресвятыя Богородицы посещения
сподобивыйся, и дар чудодейственныя

благодати приемый, по отшествии же твоем от земных наипаче к Богу приближивыйся, и Небесныя силы приобщивыйся, но и от нас духом любве своея не отступивый и честныя твоя мощи, яко сосуд благодати полный и преизливающийся, нам оставивый! Велие имея дерзновение ко Всемилостивому Владыще, моли спасти рабы Его, сущей в тебе благодати Его верующия и к тебе с любовию притекающая. Испроси нам от великодаровитаго Бога нашего всякий дар, всем и коемуждо благопотребен, веры непорочны соблюдене, градов наших утверждение, мира умирение, от глада и пагубы избавление, от нашествия иноплеменных сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преуспеяние и благословение, младенцам воспитание, юным наставление, неведущим вразумление, сиротам и вдовицам заступление, отходящим от сего временнаго жития к вечному благое уготовление и напутствие, отшедшим блаженное упокоение, и вся ны споспешствующими твоими молитвами сподоби в день Страшного суда шуя части избавиться, десныя же страны общники быти и блаженный оный глас Владыки Христа

услышати: приидите, благословенний Отца
Моего, наследуйте уготованное вам Царствие
от сложения мира. Аминь.

Молитва 2

О священная главо, преподобне отче,
преблаженне авво Сергие Великий! Не забуди
убогих своих до конца, но поминай нас во
святых своих и благоприятных молитвах к
Богу. Помяни стадо свое, еже сам упасл еси: и
не забуди посещати чад своих. Моли за ны,
отче священный, за дети своя духовныя, яко
имея дерзновение к Небесному Царю: не
премолчи за ны ко Господу, и не презри нас,
верою и любовию чтущих тя. Поминай нас
недостойных у Престола Вседержителя, и не
престай моляся о нас ко Христу Богу: ибо дана
тебе бысть благодать за ны молитися. Не мним
бо тя суща мертва: аще бо и телом преставился
еси от нас, но и по смерти жив сый
пребываеши, не отступай от нас духом,
сохраняя нас от стрел вражиих, и всякия
прелести бесовския, и козней диавольских,
пастырю наш добрый. Аще бо и мощей твоих
рака пред очима нашими видима есть всегда, но
святая твоя душа со ангельскими воинствы, со
безплотными лики, с небесными силами, у
Престола Вседержителя предстоящи, достойно

веселится. Ведуще бо тя воистину и по смерти
жива суща, тебе припадаем, и тебе молимся,
еже молитися о нас всесильному Богу, о пользе
душ наших, и испросити время на покаяние, и о
невозбранном преитии от земли на небо,
мытарств же горьких, бесов воздушных князей,
и вечныя муки избавитися, и Небесному
Царству наследники быти со всеми
праведными, от века угодившими Господу
нашему Иисусу Христу: Ему же подобает
всякая слава, честь и поклонение, со
Безначальным Его Отцем, и с Пресвятым и
Благим, и Животворящим Его Духом, ныне и
присно и во веки веков. Аминь.

Молитва 3

О Небеснаго гражданине Иерусалима,
преподобне отче Сергие! Воззри на нас
милостиво, и к земли приверженных возведи к
высоте небесней. Ты Горе на Небеси, мы на
земли низу, удалены от тебе, не толико местом,
елико грехми своими и беззаконии: но к тебе,
яко нам сродному, прибегаем и взываем,
настави нас ходити путем твоим, вразуми и
руководствуй. Свойственно есть тебе, отче
наш, благоутробие и человеколюбие: на земли
живущу не о своем токмо спасении бысть тебе
попечение, но и о всех к тебе притекающих.

Наставления твоя быша тростию книжника
скорописца, на сердце каждого глаголы жизни
начертавающаго. Не телесныя бо токмо
врачевал еси болезни, но паче душевных врачъ
изящный явился еси: и вся твоя святая жизнь
бысть зерцалом всякия добродетели. Аще толик
был еси, святче Божий, на земли: колик ныне
еси на Небеси! Ты днесь предстоиши Престолу
Света Неприступнаго, и в Нем, яко в зерцале,
зриши вся наша нужды и прошения: ты
водворяешся вкупе со ангелы, о едином
грешнице кающемся радующимися. И
человеколюбие Божие есть неистощимо, и твое
к Нему дерзновение много: не престани о нас
вопия ко Господу. Испроси представительством
своим у Всемилостиваго Бога нашего мир
Церкви Его, под знамением Креста
воинствующей: согласие в вере и единомудрье,
суемудрия же и расколов истребление,
утверждение во благих делех: больным
исцеление, печальным утешение, обиженным
заступление, бедствующым помошь. Не
посрами нас, к тебе с верою притекающих. Аще
бо и недостойни есмы толикаго отца и ходатая:
но ты быв подражатель человеколюбия Божия,
сотвори нас достойны чрез обращение от злых
дел к благому житию. Вся богопросвещенная
Россия, твоими чудесы исполненная и
милостьюми облагодетельствованная,

исповедует тя быти своего покровителя и заступника. Яви древния милости твоя, и ихже отцем спомоществовал еси, не отрини и нас чад их, стопами их к тебе шествущих. Вериум, яко духом нам соприсутствууши. Идеже бо есть Господь, якоже слово Его учит нас, тамо и слуга Его будет. Ты верный еси раб Господень: и Богу везде сущу, ты в Нем еси, и Он в тебе есть, паче же и телом с нами еси. Се нетленныя и живоносныя твоя мощи, яко сокровище безценнное, вручи нам чудес Бог. Предстоя им, яко тебе живу сущу, припадаем и молимся: приими моления наша, и вознеси их на Жертвенник благоутробия Божия, да примем тобою благодать и благовременну в нуждах наших помошь. Укрепи наше малодушие, и утверди нас в вере, да несомненно уповаляем получить вся благая от благосердия Владыки молитвами твоими. Паству же твою духовную, тобою собранную, не престани управляти жезлом духовныя мудрости: подвизающимся помози, разслабленных возстави, споспеши иго Христово нести во благодушии и терпении: и всех нас управи в мире и покаянии скончати живот наш, и преселитися со упованiem в блаженныя недра Авраамова, идеже ты радостно по трудех и подвизех ныне почиваеши, прославляя со всеми святыми Бога,

в Троице славимаго, Отца, и Сына, и Святаго
Духа. Аминь.

Тропарь 1, глас 4

Иже добродетелей подвижник, яко истинный
воин Христа Бога, на страсти вельми
подвизался еси в жизни временней, в пениях,
бдениях же и пощениих образ быв твоим
учеником: темже и вселился в тя Пресвятый
Дух, Егоже действием светло украшен еси. Но
яко имея дерзновение ко Святей Троице,
поминай стадо, еже собрал еси мудре, и не
забуди якоже обещался еси, посещай чад твоих,
Сергие преподобне, отче наш.

Тропарь 2, глас 8

От юности восприял еси Христа в души твоей,
преподобне, и паче всего возжелал еси
мирского мятежа уклонитися: мужески в
пустыню вселился еси, и чада послушания в
ней, плоды смирения возрастил еси. Тем быв
Троице вселение, чудесы твоими всех
просветил еси, приходящих к тебе с верою, и
исцеления всем подавал обильно, отче наш
Сергие, моли Христа Бога, да спасет души
наша.

Тропарь на Обретение мощей, глас 4

Днесь пресветло красуется царствующий град
Москва, яко светолучными зарями, молниями
чудес твоих осияемъ, всю вселенную созывает
похвалити тя, богоудре Сергию: пречестная же
и славная обитель твоя, юже во Имя Святыя
Троицы многими труды твоими создал еси,
отче, имущи в себе стада ученик твоих, веселия
и радости исполняется. Мы же, празднующе
преславное обретение честных мощей твоих, в
земли сокровенныхъ, яко цвет благоуханен и
кадило благовонно, любезно я лобызающе,
различная исцеления приемлем и твоими
молитвами грехов прощения сподобляемся,
отче преподобне Сергию, моли Святую Троицу
спаси души наша.

Кондак, глас 8

Христовою любовию уязвився, преподобне, и
Тому невозвратным желанием последовав,
всякое наслаждение плотское возненавидел
еси, и яко солнце Отечеству твоему возсиял
еси; тем и Христос даром чудес обогати тя.
Поминай нас чтуших пресветлу память твою,
да зовем ти: радуйся, Сергию Богоудре.
Кондак на Преставление, глас 8

Взирающе на предлежащий честный твой гроб,
в немже скрыся, яко многоценнное сокровище,
святое трудолюбное твоё тело чистоты, мы,
чада твоя суще жалостная, в удивлении един со
единем вешающе, вопием: отче наш Серргие,
моли Святую Троицу и нам спастися, твоим
чадом.

Кондак на Обретение мощей, глас 8

Днесь яко солнце пресветло, возсиявше от
земли честныя мози твоя нетленны
обретошася. Яко благоуханный цвет,
множеством чудес сияюще, и всем верным
источающе различная исцеления, и веселяще
избранное твоё стадо, еже мудре собрав и добре
паствил еси, о нихже и ныне Троице
предстоиши моляся, сего ради вси вопием ти:
радуйся, Серргие богомудре.

Величание

Ублажаем тя, преподобне отче Серргие, и чтим
святую память твою, наставниче монахов и
собеседниче ангелов.